


詩

寶菴集



寶菴集卷之二

吳郡顧紹芳實甫著

七言古詩

赴金陵別培甫兄伯見弟

余家雙白眉。送余登虎丘。是時祝融方退舍。翩  
翩逸氣凌清秋。選勝輕阻絕。探奇恣夷猶。亭高  
木末千山稠。開襟片片芙蓉投。琳宮入雲雲不  
流。蘭橈貼水水不適。絲管遞進舞且謳。士女雜  
還嬉相求。振衣一覽狹九州。仰視千載俱浮漚。

昔時吳王豪盛何足數。玉柙珠襦已無主。寂寞  
名賢曾讀書。遊人尚指遺臺古。丈夫窮達那必  
憂。龍蠖變化難爲謀。乘時不免學干謁。愧爾輟  
贈雙吳鉤。

庭前積雪作峰巒狀援筆歌之

夜半淅淅薄紙窗。小婢起視天蒼黃。平明門外  
雪盈尺。千樹萬樹紛琳琅。主人不作洛陽臥。呼  
童掃雪庭中央。卷奇峻嶒恣手腕。頃刻幻出雙  
峰長。何年一洗黛色古。入暮迴接瑤臺光。疆項

頗欲凌鴈蕩。扶腹便擬開羊腸。能將瑩徹扶新  
月。只是光暉讓太陽。同雲陰陰意未已。青女爲  
我添硯礪。對之把酒一嘯歌。恍似託足煙霞裏。  
莫言平地生峰巒。莫道明朝化成水。人間萬事  
無不然。眼前適意聊復爾。東家壘山何太豪。蓬  
萊鑿石千金拋。此山不用一錢買。請君自賞還  
自嘲。

歌寄周伯中

周郎行年五十大。一生遭時何坎坷。六上公車

不見收匹馬日向長干過大笑縱擲黃金空清  
謳坐使朱顏破自言有身百不憂七尺昂藏肯  
摧挫拂袖歸來劇可憐家徒四壁市西偏范丹  
大有生塵甑蘇季曾無負郭田世人歎爾沈淪  
久爾才豈落世人後男兒榮枯覆掌間但問當  
年舌存否余也別君再升穀萬里江南費心目  
杖屨遙憐逐老親風流幸且同癡叔蕭瑟微官  
未得歸故園何處夢依依祇遲老驥空羣日碣  
石宮前醉落暉

集馮開之醉歌

馮音成水名易牙辨  
泗水

馮生有酒誇如澗不然那肯要我飛兕觥入門  
仰面看數子意氣不肯辭縱橫二沈濯濯月中  
柳士龍譚鋒復赳赳元方况如玉樹枝顧盼光  
彩世無有虎頭生平號癡絕片語清風欲生咽  
淋漓那更問爾汝詼諧但自驕唇舌况是今宵  
傍三五亭亭金波入君戶我不痛飲將柰何頭  
上清光爲誰吐君不見長安七貴羅絲簧燈明  
樂作夜未央又不見狹邪車馬貴公子舞者細

腰歌皓齒誰知轉眼豪華空昔時亭館今蒿蓬  
祇應寂寞高陽侶千載我輩高其風

除夕述懷

今夕何夕一事無今夕何夕百不娛北風吹沙  
蔽天地屋上片片清霜孤浮雲東征歲云除衆  
人以歌我以吁憶時高堂錦不如華燈倒映寒  
珊瑚珍饌絡繹進中厨朱絲雙提白玉壺兒女  
雜還笑且呼我獨胡爲天一隅丈夫有足自羈  
繼白日易匿朱顏徂嗚呼君不見朱顏徂白日

匿京邸風塵渺何極但令綵衣長侍側卽向林  
臯老亦得

我今何爲更徬徨有弟往往稱琳琅大者少小  
相翱翔得句便擬凌池塘次者十六爲文章意  
氣筆底千言強最小跳地宥莫當前年送我牽  
我裳只今南北遙相望風雨三載違聯牀嗚呼  
汝曹天生總奇骨萬里風雲會超忽爾時汝兄  
真長物舞衣爲爾娛華髮

兩兒風神壓秋水一女清心玉相似參差幸脫

襁褓間爾父遠客爾母死世上浮名竟何物我  
今胡能子吾子嗚呼三雛慎勿苦從姑與叔就  
汝祖我懷鬱紆百未吐朔風冥冥夜當午

初春再飲馬體良戲成短歌

東風新吹萬楊柳白日杲杲當牕牖閉門索居  
苦寂寞。蹙蹙款段竟何走。連山馬生真我友。慷  
慨調笑無不有。昨日醉我黃金卮。今日再過將  
奚為。客稱溷主難復留。主言慢客客勿辭。大婦  
羅酒漿。小婦作羹糜。盤行赤玉杯。傾琉璃。五白

蹙蹙音別眉  
行不正兒

呼盧六博圍碁。迫暝欲去仍趑趄。握手更問重  
來期。人言馬生不好客。君不見顧生三日兩醉  
馬生席。從今有耳不受人間譚。甕頭且聽春濤  
溢。

家弟書來知讀書七十二峰閣作歌寄之

昔我遊太湖。曾登湖頭閣。峩峩不知幾千尺。仰  
拂青雲踞絕壑。參差黛色枕上看。日夜濤聲檻  
前落。當時一醉楊柳洲。便擬移家傍寥廓。那知  
世網能繫人。酒壚咫尺不可親。何況湖山四千

山色對色青  
黝者謂之黛  
色蓋遠山之  
色如画眉之  
黛也

逡巡音親旬  
卻遜貌行不  
進也

寶者集 卷二 五  
里有夢欲往成逡巡。吾弟翩翩有奇氣。囊書直  
向湖干住。筆底俱含山水靈。胸中滿貯煙霞趣。  
昨來報我書八行。一一清言吐雲霧。嗟爾豈是  
山林軀。秋風遲爾凌天衢。爾兄沈陸了無味。代  
爾蕭然長五湖。

送伯任還南昌

熒光也明也  
猶灼也阿房  
宮賦明星熒  
二曰燈燭光  
倉黃急遽失  
措貌通作蒼

青燈熒熒照孤牖。與君痛飲薊門酒。如何酒中  
輒不歡。容易尊前便分手。我今沈陸為囊粟。爾  
今折腰亦五斗。置身各在風塵間。七尺蒼黃為

負讀阜

誰有。燕山二月東風來。漸送青青入楊柳。我不  
得往君不畱。眼底韶光坐相負。關河迢遞望成  
塵。使君來往一何頻。千言昵昵難盡意。欲發不  
發雙車輪。平生結交四海士。自顧肝膽無他人。  
相知豈獨私里閤。慷慨契合如有神。即今相逢  
又相別。豫章城高江水濶。試問離愁幾許多。千  
尺浮雲起天末。

謁 陵篇

漢家陵闕中天峙。疊嶂崇巒幾千里。北枕居庸



解廌上音蟹下亦作解多亦  
有二音義同  
鞞音未義未  
詳疑當作鞞

巨鎮開。西連涿鹿層城起。層城巨鎮何崔嵬。鬱鬱葱葱佳氣哉。百神戈劍潛呵護。九帝衣冠時往來。小臣昔日攀髯哭。千古橋山見黃屋。玄宮寂寂閔真龍。複道沈沈走馴鹿。十葉金甌轉泰平。神孫初作謁陵行。霓旌迤邐清馳道。法駕霏微出上京。上京佳麗佳何極。僊仗乘春動春色。五營列校肅勾陳。百隊中官候宣勅。前驅獬廌凜飛霜。扈從貂蟬耀太陽。金根流水香風裏。赤驥游龍大道傍。車馳馬驟稱英雄。繡鞞雕

鞍一望同。乘輿亦厭鳴鸞節。親御拳毛白玉驄。玉驄去去風光好。暖日祥煙媚晴昊。綠堤萬樹錦為屏。對面千峰黛如掃。黃金鑲甲珊瑚鞭。緩鞚平沙儼自天。三河太守行負弩。上郡降胡齊護邊。長樂聯車綵茵駐。椒房夾轂芳塵度。八寶流蘇溪水濱。雙絲步障垂楊路。垂楊直接寢園東。更有松楸望不窮。啁晰銀笙淒入夜。峻嶒石馬暗呼風。雲際重重擁軒蓋。峰頭獵獵懸旌旆。金鼎浮煙碧落中。璇階燎火繁星外。陳籩奠醑

啁晰聲繁  
細貌音朝  
札

禮記祭義俊然  
必有見乎其位初  
从旁作慢故改  
之

寶菴集 卷二  
旨且鮮。執玉顯相紛後先。至尊穆穆嚴對越。  
九廟精靈俱俊然。古來人主多遊幸。別殿離宮  
事馳騁。漢帝曾聞登岱勞。秦皇亦負驅山猛。  
聖主端居自紫宸。祇今一出展明禋。在在不妨  
供張薄。家家仍荷復除仁。此時士女歡聲溢。此  
時父老咸加額。願祝清寧億萬年。共取瑤圖比  
磐石。

陳園歌示沈少卿

前年陸走燕山道。今年四綠燕山草。欵段蹶躅

風塵間。煙水江南夢顛倒。休文載酒呼其儔。選  
勝且作郊西游。侯家池館連雲起。五月坐覺林  
塘秋。珍臺曲館尋常事。獨做瀟湘寫幽意。青山  
遙借石泉多。畫舸雙依柳陰邃。虛無一一臨水  
湄。蘭橈宛轉鏡中飛。始隨漁艇尋源入。旋逐僊  
槎犯漢歸。蕩漾中流殊未已。赤板橋頭落霞紫。  
浮觴曲水應暫停。濯足滄浪聊復爾。南人見水  
心寬清。南人汎船身亦輕。眼前風景差自快。况  
乃美酒兼新聲。吾家五湖空矯首。拂衣未遂豈

吾有。即須乘興還相過。但問步兵厨中有酒否。  
送沈伯英儀部徵選八郡良家少年

犀文勅書兩龍赭。吏人前驅抱盈把。錦袍綠綬  
雙垂魚。玉勒金羈五花馬。沈侯乍輟含香直。八  
郡良家望顏色。白屋欣承禁鸞榮。青春願附秦  
鸞翼。甲第新開連桂渚。路人歎息仍私語。但使  
紅顏解勝人。誰道生男不如女。嬌童駿馬何喧  
喧。朝來膏沐遲輜軒。且希使者垂清顧。得向  
君王乞異恩。君不見沈侯丰姿玉不如。妙年拔

鸞戀上声俗  
讀鸞非禁  
豕領肉用以  
供御膳者

足登天衢。今者擁傳出國門。光彩顧盼世所無。  
丈夫致身合有策。肯與粉黛爭頭顱。嗟哉沈侯  
真丈夫。

送沈少卿還吳江

六月黃塵暗天表。火雲連山絕飛鳥。單車却出  
上東門。觸熱自問江南道。夫君得意兼少年。朝  
來行色何草草。逢人耻作窮途哭。歸心肯待秋  
風老。翩然脫屣尚書郎。意氣直上干晴昊。謝余  
歸隱吳江頭。太湖橫秋天浩浩。浮沈白鳥對忘

機咫尺蒼山日堪抱。草亭不題楊子玄。蓬徑常  
因二仲掃。嘯歌往往雄風生。肯學湘纍歎枯槁。  
誰其側目翻成恩。幸可抽身詎嫌早。世上腐鼠  
何牽纏。白頭赤綬不相捐。悠悠河清竟難俟。天  
公靳汝湖山緣。君不見湖田可耕泉可釀。沈生  
正臥吳雲邊。

送陸敬承還越

昔我二十八友俱時英。越中四子尤錚錚。婺州  
陸生才最豪。跌宕自喜成縱橫。把臂似許山嶽

移。開吻欲遣江河傾。雖無使酒罵坐性。其氣往  
往無公卿。近來中原號五子。詞壇籍甚推先登。  
生也一一爲雌黃。指顧萬里墮堅城。援毫落紙  
苦不休。干言汨汨無畱行。抵掌秦漢若有餘。意  
乃不屑隨蠅聲。亡柰嗜酒兼嗜游。竟日閣筆嬾  
所營。當其興到偶欲吐。噴珠漱玉衆始驚。眼前  
富貴那足道。尚爾脫畧千秋名。嗚呼生才有如  
此。淋漓六合鍾元精。生年少我稱我兄。我常輸  
心下此生。論交曠然縱爾汝。謔浪久矣忘冠纓。

我時醉生生醉我。子夜星斗交前楹。生今抗章  
且得報。翻然別我東南征。橫山九峰高入雲。秀  
色蕩滂遙相迎。馮生前年武林住。楊生昨者歸  
四明。剡溪天台各步武。三生倘結雲松盟。手翳  
丹霞吸玉液。倒跨白鹿吹瓊笙。嗚呼此樂世豈  
有。愚子涉海求蓬瀛。我偕沈生尚沈陸。秋風慘  
送雙離旌。他時爲見山頭月。遙夜相思指漢京。

七夕遊草橋作歌

昨遊城西芙蓉池。有景醉殺江南兒。今朝城南

放雙屐。恍然足踏淞江湄。不知何年種楊柳。萬  
樹團雲蔽岡阜。涼飈涉水來漸多。赤日行空不  
相受。林迴路轉秋冥冥。頭上青天大于斗。俯瞰  
十畝涵方塘。朱華翠蓋浮細香。四圍清陰剡溪  
障。中間一片吳宮粧。西來山泉瀦作谿。石梁蹙  
拂垂虹蜺。咫尺似有萬頃勢。崩奔蕩滂臨前隄。  
韋曲名園不知數。往往春風徧游履。此中一洗  
薊門塵。但覺蕭森起煙霧。今夕七夕清且嘉。綵  
船搖曳雲水涯。悠然載酒乘風去。恐作天邊犯

寶齋集 卷二  
斗槎。

贈別龍君善

商風吹衣。榭葉墮。朱榴壓枝。瑪瑙破。玄亭蕭蕭。日欲頽。誰者剥啄。驚高臥。武陵龍生。天下奇。朱顏白晢。秀兩眉。二十作賦。動閭闔。光彩妬殺長安兒。那更憐才意無比。結交盡是賢豪士。亦知世間有劉備。遂使聲名忘販履。兩心炯炯把臂傾。生也驚坐余倒屣。小槽清醕湛於水。擊缶酣歌暮天紫。皎然玉樹臨風前。時人笑余兼葭倚。樂莫樂兮新相知。世事翻覆無常期。生今別我向南國。使我黯黯銜離悲。黃山飛雲墮滄海。浮丘容成幾千載。生也褰帷道其下。爲余問訊今安在。二子一去秋山空。萬木慘澹清霜中。少年相遇不盡醉。明日風塵西復東。

今昔行送侍御張質卿兼柬馬體良

張郎手持白簡如秋霜。馬冠峩峩繡襖褱。交龍勅書抱盈把。別我欲度淮之陽。張郎張郎試停爾。驄就我夕。我且爲爾歌。今昔昔時中秘俱翺

襖褱音兩當一  
當胸一當背古  
詩云單衫繡襖  
褱蓋卽世俗所  
云褱子也

翔。右文幸入。熙朝格子夜書。細藜火青。芳春  
 酒泛天漿碧。人人矯首摩雲霄。往往論心破金  
 石。就中與爾同門友。懷抱殷勤更相惜。爾過五  
 嶺來桂林。我從三江汎震澤。東西茫茫恨各天。  
 一旦傾倒長安陌。長安流光驟于電。荏苒三年  
 散雙翮。爾今繡衣儼持斧。我仍金門疲執戟。我  
 時健戶甘寂寥。爾正趨臺少間隙。昔時一日再  
 三見。今者經月苦離索。何況明朝數千里。旌旆  
 迢迢指淮水。燕山落木不堪聞。楚甸飛霜又如

捷音堅牛之健  
 強者此處當作  
 鍵音件又音虔  
 或作捷

塔音榻解體  
 只一曰忘懷也

此。飛霜落木共凄其。塔爾空齋憶吾子。別路驪  
 歌太可憐。宦途萍聚真難倚。君不見天邊歷落  
 悲參商。頗似人間兒女腸。爾才自是濟時具。要  
 使竹帛生輝光。東南民力久矣竭。爾行見之心  
 內傷。輓漕轉餉責在子。更有何術令時康。丈夫  
 意氣背面合。萬里阻絕如聯牀。我歌暫停酒暫  
 歇。幸子長發毋彷徨。馬生襟期非世人。與我與  
 爾俱最親。卽今持節按吳會。想見風采干青旻。  
 相逢道我歌今昔。語次倉皇總肝膈。仰視西北

寶菴集 卷二  
雙飛鴻。星斗闌干暮雲白。

送莊中熙

朱榴作花殷珊瑚。灞陵千樹陰模糊。青絲手提  
白玉壺。平明送客城南隅。憶昔謁帝承明廬。  
五載橐筆與子俱。倡女和予笙與竽。子今四牡  
秦中驅。紫書玉節黃金符。雲開赤殿錦鞵毬。風  
清蘭臺吹繡襦。授簡錯落千明珠。顧盼光彩生  
頭顱。道經秦漢故所都。太華削立青天癭。朔方  
城頭啼夜烏。賀蘭山前春草枯。覽勝吊古心煩  
紆。男子墮地懸桑弧。子行萬里良壯圖。武陵秋  
高大火徂。此時彩服親庭趨。金莖露色寒醍醐。  
誰其餐者童顏朱。子歸不樂將安須。片片月出  
燕山孤。東南白雲仍有無。安得化爲黃鵠辭樊  
狡。一雙刷羽投菰蒲。向風送子臨交衢。子行爲  
我遲須臾。

行路難送王世周

喧喧五侯即。逸氣排雲端。開閣儼珠履。乘軒岌  
蟬冠。銀鞍錦障紫驪馬。瓊漿綺食黃金盤。繡屏



宛轉花如顏。畫堂虛無六月寒。自憐豪傑世無  
偶。自顧榮華在人手。把臂深交父子驩。彈冠竊  
附風雲友。一時然諾誇如山。唾贈千金了不難。  
報恩似欲效頭頸。對面便擬輸心肝。世態炎涼  
古來有。富貴生妍賤貧醜。東方豎儒骨節寒。敝  
服窺門暗搔首。君不見平原賓客多於雲。肉眼  
幾失賣漿人。又不見梁生擔簦西入關。五噫慷  
慨拂袖還。人生百年但適意。富貴却奪天公權。  
太湖七十二峰鬪奇絕。餐霞弄月可以終長年。  
送子歸去來。長歌行路難。行路難。爲君作。不知  
行路難。焉知在家樂。

郢客唱白雪。和者殊寥寥。自知已如此。千載爲  
一朝。海內文章競牛耳。前有李何後王李。眼中  
握管何紛紛。附驥蒼蠅慕千里。古人愛才心膽  
傾。今人愛才徒噉名。名位肖貌世所急。蹭蹬誰  
復憐。王生吁嗟王生已矣乎。喉舌不及樓君卿。  
頭顱不及馮子都。長安風塵暗赤日。埋沒萬斛  
驪龍珠。吁嗟王生已矣乎。北風揚舲從此逝。仰

面一笑青天孤。

送沈晴峰翰長

瑤函勅書五花馬。日照宮袍一何赭。鳴笳疊鼓聲喧喧。送君朝發薊門野。夫君意氣秋天高。垂纓出入承明曹。當時一獻子虛賦。聲價籍甚凌雲豪。明堂天子分封日。四牡紛紛使臣出。紫殿初頒南土茅。丹霄暫輟西崑筆。琅琊古甸停雙旌。縣官負弩伏道迎。遙指泰岱矗雲際。作礪似表千秋盟。龍節親持護金冊。袞冕叢中儼稱

客。新王拜跪不敢驕。咫尺天威見顏色。花開夜殿月出高。香吐銀榼傾珍醪。八公婆娑笑接席。玉女窈窕鳴雲璈。乘風逸興翩翩往。日觀天門屹相向。曠曠海上神光生。匹練吳門破蒼莽。手摘金光滿袖歸。白雲片片繞慈闈。已欣沆瀣來僊掌。仍取煙霞傍綵衣。煙霞莫戀处央渚。彩服還從日邊舞。聖主終憐班馬徒。詞臣共憶雲霄侶。千里秋風朔鴈多。平湖渺渺柰君何。清宵徙倚金門月。佇聽蕭蕭白玉珂。

大閱應制

瀚海烽煙淨。胡空太白消。普天無戰鬪。千古見清朝。誰道清朝可忘戰。先帝洪猷况貽燕。當時一肅羽林軍。今日餘威尚雷電。太平天子儼垂裳。漢儀周典俱煌煌。文教共知漸薄海。武功仍取訶夷荒。特勅春卿講軍禮。還從司馬論張皇。天上六軍屯細柳。苑中千騎出長楊。三月韶光度城北。河山錦繡看如織。聞道宸遊動地來。長楊細柳增顏色。中天縹緲開行殿。晴日曛曛明組練。珥貂齊扈金根車。甲馬雙懸白羽箭。壁門萬衆如雲迎。令嚴不遣纖塵驚。鳴鈺伐鼓震山嶽。曳轂搖旌混太清。堂堂四合龍蛇陣。赴赴中分貔虎兵。前偏後伍握紀律。出奇入正歸縱橫。迴旋徧閱魚麗勢。比耦還呈射生藝。赤手能開三石強。側身似輕百步地。汗血飈馳鼓聲起。猛氣人人鬪凌厲。雲中一笑開天顏。士女歡呼夾道喧。熊羆共荷投醪賜。冠蓋親承就日恩。塞上健兒遙賈勇。漠庭蕃落暗驚魂。驪山以來

紛黷武。天討犁庭始我祖。宣英穆廟。皆盛朝。吉日攻車陋前古。吾皇嗣曆恢英謨。燁赫威靈滿寰宇。漢水何煩洗甲兵。虞階本自崇干羽。卽今一出事春蒐。坐令先聲動八陬。不見嫖姚昨出塞。捷書來自海東頭。

寶菴集卷之二

寶菴集卷之三

吳郡顧紹芳實甫著

七言古詩

見月行寄沈茂仁 八月前望一夕作

去年月挂長松頭。與子醉宿齋宮幽。今年月送長河舟。征帆墮影牽離愁。我歸正及江南秋。丹霞白露環滄洲。憐君尚索長安米。孤飛一鴈寒雲稠。惟餘寸心託明月。隨我直度黃河流。月照我南照子北。兩地仍懸去年色。天上明月無時

寶菴集 卷三  
無相見難期重相憶。

放歌示諸僧

梅陰覆庭綠。竹雨涼如秋。孤雲獨來往。蕭然臥空樓。嗟余牢落風塵客。曾向金門疲執戟。子雲守玄空見嘲。張翰思鱸且爲適。當時頗怪朝市喧。平生况負山林癖。雲邊招提何悠哉。讀書舊榻今塵埃。幾年夜月勞相憶。一策春雨能重來。枕簟開颯爽。鐘磬清心神。笑問諸老衲。謂我今何人。歲星不向人間二千載。飄然風流起雲海。

由來龍性不可馴。偶爾鴻冥又安待。枕巨石。漱流泉。煙霞在地月在天。山中之樂不可言。回首畏路今茫然。有手不釣任公鰲。有足不登許史筵。直將富貴浮雲似。清淨長依般若緣。

老檜行

并序

浮佛寺當門老檜。天橋奇秀。是數百年物。往者幾不免斧斤。先伯父贖而留之。至今爲此寺勝觀。因賦長句一首以詒寺僧。存山中故事云爾。

石梁秋風動地起。上有老檜盤空青。銅根蹙沓  
怪龍勢。翠蓋突兀藏雲星。不知何年種此樹。白  
頭老宿難分明。憶昨曾遭烈風圻。冥冥高枝墮  
空碧。半枯却作旃檀香。直上猶凌給園色。神明  
留惜豈無意。過客殷勤歎難得。大厦應需梁棟  
材。荒林詎脫樵蘇厄。吾家伯父雅好奇。古意未  
許時人知。囊中錯刀棄如土。買此百尺叅天枝。  
暗垂煙霧曉色動。欲裂苔蘚春風滋。武侯廟栢  
既老死。昭明植檜今離披。獨此亭亭鬪雲日。攬  
結元氣成嵯峨。寺門悲涼秋草沒。賴此幽壑虬  
鸞姿。我來徘徊古陰下。前代高風一沾灑。諸僧  
護樹如護法。肯使叢林更如赭。

月夜沈少卿邀遊長橋還登三高祠作

故人見我能眼青。月下坐我臨湖亭。白虹百丈  
垂作橋。吞吐歎歎無滄溟。馮夷宮中正高臥。澄  
波潏潏澹遙汀。七十二洞何冥冥。葭菼不受魚  
龍腥。空明萬頃人影絕。散亂頗宿漁家舲。林疎  
間出岸火細。水遠却借長天停。江蓴初肥泉釀

實者集 卷三  
冽客能吳歌。歌娉婷。不知清興自何至。常日厭  
醉。今厭醒。身不能騎龍。戲太清。又不能乘槎。摘  
列星。但能夜半赤脚獨扣三高高。草深地黑流  
山螢。百代寂寞空精靈。當年偶爾逃天刑。豈意  
復有人間名。荆榛尚存古祠宇。麤齷安事荒苔  
銘。我歌未竟風泠泠。松際謾謾如有聽。

汎太湖覽七十二峰歌

秋天茫茫舟一葉。萬頃洪濤噴寒雪。就中七十  
二峰巒。一一浮空勢相嚙。誰挽銀河傾。照令我

嚙同齧五考切  
音咬此處恐是  
嚙字同切音

眉澈。夕陽墮影雲錦張。明月凌波翠鬢列。挂帆  
中流心膽豪。飛鳥不度吳雲高。乾坤浩蕩盡一  
瞬。島岸偪仄成秋毫。船欹拖側色不動。長風落  
落吹布袍。君不見三山蒼茫五嶽汗漫尚平婚  
嫁何時畢。海客瀛洲信仍斷。此中去家纔百里。  
靈境天開有如此。幸可誅茅著野夫。不知何似  
桃源裏。

尋林屋洞天

乘風一鼓太湖柁。種種靈蹟誰能探。天下洞天

逐音仄相擊也

甌都藍切音擔  
甌石小甕也與儻  
通

此第九覆石哆口流煙嵐下接我眉徑羅浮黯  
黯不辨北與南其脊橫連太湖底風驚濤怒聲  
逐酣出入其間靈威生云有神符發真函茫茫  
此事四千載僊賞莫再豈有三嗟余夙負謝客  
志靈怪往往覓夢耽不辭袒跣事蒐討偪仄菌  
蠢身如蠶以背受石膝受水咫尺萬里投深甌  
中有金僊栖作龕上透一隙天蔚藍方牀曲几  
儼猶設神鬼幻化誰能諳杳眇直與凡世隔筆  
墨餘泚雲相涵一時賈勇勇亦竭十步欲前九

不堪嗟哉造物閔此奇使我感歎心顏慚其諸  
洞天類險絕青鞋竹杖空能擔側身悵望天漢  
末安得玉蚪為我驂

平坡行

我聞平坡名還疑在平地差我鳥道到始知翠  
微沈沈吐丹寺上有橫天障日之羣峰片片削  
出青芙蓉下有排風簸浪山陰松亭亭百尺騰  
蒼龍極目如過紫冥外置身直在鴻濛中猶憐  
石磴勢沓蕩九節不借僊人筇平生未敢誇勝

施同沱



寶齋集 卷三 五  
具却覺陡峻天無功丈夫襟期會有託培塿亦  
足當五嶽馮闌大笑呼山僧馬首西來頓成覺

黃樓歌

眼前興廢何草草獨有黃樓至今好二水濤聲  
逼檻喧千山黛色緣城抱學士昔軫宣房憂精  
誠自致沈玉禱洪波渺渺去不還高樓迢迢入  
雲造土勝真能厭河伯詞雄况復凌穹昊沈吟  
此事五百年當時諸公骨應槁文采風流猶映  
發六尺殘碑世爭寶我來登樓揖遺像颯然清  
颼起蘋藻嘯歌雖廢餘風神樓外河山爲君老  
君不見項王之威壓山倒城闕連雲建黃纛卽  
今遺蹟淨於掃人間何物能長保

雲龍山放歌

數過彭城下未踏彭城山今日何日晴且嘉令  
我覽眺開心顏上有游雲蜿蜒出矯若雙龍偃  
溟渤下爲躑躅初平羊草際離離露天骨筍輿  
隨風送我上手抉雲根坐硯砭城中廬井紛如  
蟻天外河流細于髮高亭縹緲雲之端落日倒

嶺岼音攢九山  
銳貌

送珊瑚盤空明未了忽黯澹萬象奔互當重欄  
四顧寂寞千峰嶺岼絕壑欲墮松濤乍寒金壘  
擲地生長歎請看突兀亞父冢王楚謀空蔽荒  
茸重瞳高臺雖半存蛾眉對死今無種欲招坡  
老放鶴亭白鶴影斷空山青乃知事往竟不復  
詞鋒霸氣俱沈冥賴有姜生成客主瓊樹輝光  
映眉宇雅語吾真畏後生雄心爾亦兼懷古古  
人蔓草縈寒灰今人何苦眉不開多遊名山飲  
美酒快意且復須徘徊安能戢身待富貴此物

豈足膏枯骸掉頭長嘯下山阪月滿寒林臥僧  
穩

屠生行

昨我趨承明坐席未及溫屠生被蜚語罷官出  
國門三年不踏長安道至今瀕洞黃塵昏屠生  
飄然信達者掉頭跨驢如跨馬自言歸去長五  
湖寧如作吏風塵下腐鼠區區竟何益鷓鴣唾  
棄鷓鴣嚇屠生已謝世上名世人却快屠生黜  
四坐側目驚狂生恨君未識禰正平片語詞壇

瀕呼孔切音永  
瀕洞相連負

遂相軋那怪李生人欲殺世人欲挫屠生狂天  
馬伏櫪神飛揚一脫羈馬宥莫當世人莫忌屠  
生詩虹蜺自吐青天陸五采照灼誰能知眼前  
得喪何好醜蒼山白雲竟吾有左拍襴生肩右  
接李公肘出不羨縱橫八騶當車前居不願嘔  
啁管絃列堂後有腰肯向鄉里兒畱舌何慚室  
中嬾且將一旦讓時人但取千秋落吾手咄哉  
屠生勿復言歸與自奪天公權生不見襴李同  
時富貴者幾多名姓沒荒煙

杏花下作歌

君不見鄧尉山前梅十里微茫吐香雪又不見  
蟠螭嶺下桃水面朝霞抱虹蜺蠟屐湖船隨所  
如我自春游占奇絕一從失足長安塵邊頭風  
色不帶人千緋萬紫苦難放寒沙故勒江南春  
昨者朝陵了公事迴馬却踏西山路四圍迸作  
青芙蓉中間一片花如霧曲江江頭錦接天僊  
林駘蕩飛紫煙高下巧隨山勢合參差競入東  
風顛且共班荆坐其下玉杯蒲萄莫停瀉眼底

蜺音孽雄為虹  
雌為蜺晉沈約以  
郊居賦示王筠曰  
讀至雌蜺連蜺約  
撫掌欣拊曰僕常  
恐人呼為霓蓋謂  
字本讀入聲恐人  
呼為平聲也

那能負物華杖頭况不須高價遙想故山春事  
多勞余悵望成流波此中不飲復不醉來日風  
塵更柰何

四懷詩 并序

臥痾多憂百端并集爰藉手墨勒成四  
懷昔平子四愁寄深喻博余乃師其發  
端約其旨調聊以破孤悶攄宿心耳若  
與古人亭校工拙則我豈敢

痾音烏病也

我所懷兮石頭城形勝突兀東西京六代秋煙  
蔽江白 孝陵紫氣中天橫家君雍容佐畱鑰  
鈴閣無聲萬人樂故園回首衣帶水兩弟來往  
如輕雀我獨胡為滯燕山天空日薄愁朱顏人  
生菽水亦自可笑殺五斗侏儒間

我所懷兮淞江陰吾家祖墓連雲深母妻冥冥  
隔淺土霜楸露栢哀人心哀人心望何極白楊  
作風自南來天地為我黯顏色

我所懷兮馬鞍曲令弟幽栖數椽屋環亭一水  
明鏡開入牖奇巒湛眉綠昨日更有佳語聞墻

寶善集 卷三  
九  
角新添幾聚竹汝今爲樂幸及時汝兄風塵尚  
碌碌嗟哉男兒六尺不自由讀書何苦長埋頭

又

我所懷兮吳山高千峰莽互干青霄此時梅花  
十萬樹湖波不動香風驕輕輿小舸恣所適幾  
願結屋羣山樵長安豪華日堪詫三尺疎花吐  
高價病夫常自夢江南未與朱門換良夜

送陸彥先南還

歲行在酉春二月羔鴈閭門待君發我輩爭傳

洛下名諸公擬結庭中鞞蓬萊宮闕浮雲平西  
山秀色刺眼明琪花宛宛度韋曲玉露湛湛寒  
金莖兔園叢臺何足數壯遊自合誇神京君到  
神京亦云晚旋有羈心入吳苑南湖尊羹動秋  
思拂袖匆匆竟難挽自言野性百不由一日不  
醉形神讐嬾骨曾無跨鞍力白眼豈柰黃塵愁  
青天茫茫獨鳥倦夢寐颯瑟懸滄洲相如自可  
甘犢鼻馮煖何緣戀蒯緱人生意氣別有託富  
貴於我如雲浮君不見去年秋風君送我慚愧

青山日相左今年秋風我送君依然納足尋真  
果何須五嶽稱汗漫即使蓬蒿非坎壈芒屨不  
踏長安春白鷗萬里誰能馴桃源只在漁舟畔  
此後無人更問津

歌寄沈茂仁

薊門風光不殢客雲飛雨散常須臾我抱沈憂  
下婁水君今亦臥南山隅昔時待詔銅龍署數  
子聯翩振鷓鷖走馬並踏章臺春揮毫各灑長  
楊賦衆中澹蕩如君稀謂余落穆心相宜芝蘭

含香出幽谷肯與凡草同襟期自誇密契長如  
此豈意覆手成參差人言世路難自保共以滄  
洲寄吾道卽今相望一水間兩地門庭跡如掃  
男兒齷齪不稱意何限人間事顛倒武林湖山  
秀可餐垂髫過此今茫然因君倘躡高秋屐余  
亦乘風下越船湖中痛爲十日飲坐上對鼓鍾  
期絃向來離思擲天外喚取三竺懸尊前

長安西第行

長安門西立千門家家檠戟如雲屯中有甲第

何昂藏連房窈窕丹樓騫路人盡指丞相府丞  
相沈沈作鄙塢今來蕭索未堪論當日豪華眼  
曾覩九重眷顧傾累朝尺一頒來稱尚父浴  
日功勞在一身薰天氣勢無千古兩兒藜閣誇  
能文小兒金吾猶仰乳百僚懷刺肝不前朱提  
囊書日旁午何來寒士空掃門丞相不知闔者  
怒須臾罷客歸中堂娥娥紅粉迎戶傷朱繩競  
挽彫文輦寶幄先薰大食香邊將穉瑜偏匝地  
尚書駝錦更宜牀丞相威嚴暫心折美人旖旎

爭容悅花依粉頰柳舒眉歌鬪朱唇舞迴雪子  
夜初頽白玉山平明再入黃金闕自期年壽等  
松喬自信恩波帶礪遙豈知世事翻覆手昨日  
之日非今朝霍光勢敗尸未冷竇憲權移家頓  
銷朝聞詔書削官闕暮聞詔書來籍沒珍寶連  
車入尚方兒孫駢頸需黃鉞死後淒涼付一杯  
生前辛苦營三窟緹騎大索高堂空銀鐺鐵鎖  
官爲封積雨蝸涎時繡壁經秋狐種晝吟風大  
官諱避不肯住至今門戶隨蒿蓬君不見咸陽

寶者集 卷三  
一片地漢家四伯秦二世長安西第何足避

玉蒼山歌爲王季中賦

仙人吹臺高刺天陽湖流波滙三川湖山相得  
各吐氣下有亭館開風煙王生曾中富丘壑自  
笑低眉向籬落秘笈峻嶒五嶽符奇襟澹蕩三  
山約東顧海上何雄哉玉蒼之山接蓬萊雲梯  
直上石壁絕海日欲動天雞催迴崖複岫不知  
數蠟屐未破千年苔生也翩然結茅屋滄海爲  
池白雲谷古棧迴出天台梁飛泉亂灑匡廬瀑

卽今暫脫芙蓉裳染指聊期大官肉回首謝山  
靈不勞移文苦相促平生自信獨往心俗士何  
當論飛伏薇蕨不厭山頭雲麕鹿不厭山中羣  
西招幔亭伯左挾華陽君中有玉蒼子參差綠  
髮凌紫氛我家亦在東海上緱嶺僊笙幸遣聞  
送張伯任行邊

去年太白高秦川胡兒牧馬窺西邊邊臣但酣  
欵市利一旦束手開烽煙羽書颯颯隨長風  
天子按劔蓬萊宮滿朝喧嘩賈生哭猛將寂寞



天山弓朝廷養士二百載風塵莽蒼思英雄黃  
門自是菰蒲人矯矯意氣懸秋旻封章每迂朝  
貴色素節不受長安塵昨來却作行邊使御筆  
親勞定名字九重自合稱知己邊事寧當等  
兒戲遙見轅門下墮書俄看精采生旗幟卽今  
虜騎猶縱橫洮河蕭蕭刁斗鳴漢兵被甲不得  
臥大將蒿日憂空城事去始排魏絳策時危虛  
怯終軍纓禁中雍容出頗牧或有妙筭驅欃槍  
我歌送君青門驛雄心隨君度沙磧安得一日

胡塵清摩挲快讀燕然石

泰山吟寄何侍御

我乘長風望海岱猶隔人間一衣帶側身東愁  
梁父艱美人尺書墮天外發書書中何所道勸  
我東游拾瑤草坐令寂寞生光輝歷歷雲山吐  
晴昊因携阮公屐行窺泰山顛流雲半石壁漱  
壑交飛泉天門日觀屹相向一覽八極空長天  
却尋東封蹟七十二代俱茫然秦碑漢檢亦剝  
蝕但有西來黃河東注滄海日色照之恍忽激

寶齋集 卷三  
十四  
灑如當年古來黃屋已如此萬事自合隨雲煙  
此時思美人霜臺儼西巡道逢丈人峰亭亭如  
對君一杯一酌之兩意莫逆語不聞夕陽迴光  
照磐石我醉欲倒君亦醺醉中忽憶去年事賴  
君置我清涼雲僊巖佛窟杳莫盡至今夢寐超  
塵氛平生頗負名山癖嗟君愛山兼愛客贈我  
兩翼排晨風到處奇蹤傍泉石卽今歸臥海雲  
東青天悵望千芙蓉因君倘過舊游處爲余仍  
酌丈人峰

送楊公亮兼柬馮開之

春風四綠薊門草美人別我去遠道遠道迢迢  
度清濟玉節翩翩向朱印儼然使者多輝光何  
况壯遊仍未已行過泰山趾應登泰山顛天門  
日觀幾千仞頰視下界心茫然本家四明下曾  
遊四明山僊巖古壁窅莫盡一一可以娛心顏  
羨君胸中有玄理翛然屣脫長安市金莖掌露  
雖遙待碧山風煙日堪倚余亦將從鸞鶴羣來  
年獨棹五湖雲掃石尋山何處好爲余先訊大

馮君

初春與睿甫仁甫遊西山作長歌紀之兼

柬應之

男兒生不能卷攣七尺守妻子又不願開眼紅  
塵中朝過侯門暮戚里獨有煙霞嗜成癖五嶽  
突兀曾中峙一從出作世網人黃公酒壚竟安  
是太湖諸峰七十二境界蒼茫落夢底昨者蒙  
恩得休澣正屬春和氣清美千山突兀天都西  
神遊其間吾久矣飛書趣召二三子聯騎直過

西山趾平湖十頃波黏天大堤千步柳如綿浮  
雲隨風度何處山山入眼爭新鮮碧雲壯麗稱  
金田石梁垂虹跨其前緣階泉聲走濺濺我借  
一榻春雲眠香山削立雙青蓮羣峰對抱朱闌  
干振衣恍欲凌飛仙俯視下界還蒼然玉泉蓬  
蒿翳荒煙功德但有長松千幽絕不減山靈權  
以西諸山大漠連奇峭一一名俱傳決背極望  
背欲穿歸來笑謂宗少微四壁丹青漫瀟灑若  
道名山可臥游千秋禽尚何為者

衛河行

衛河北馳疾於箭日夜入海無休時我船汴流  
費牽挽南風況復當頭吹隔江黑雲塞天起水  
急風狂礙行李南船十步不一前北船飽飯蓬  
底眠君看世事那不爾北船南風豈長使

寶菴集卷之三

寶菴集卷之四

吳郡顧紹芳寶甫著

五言律詩

浮佛寺雜詠

寥寥西度意吾欲付禪那忍草侵階長慈雲覆  
座多無心安用滅是法即為魔試閱須彌界茫  
茫苦海波 入定

萬箇祇園竹蒼苔一徑封琅玕真是玉風雨遂  
成龍峭禱含雲潤檀藥背日濃已憐人境遠况

寶齋集 卷四  
復此君從叢竹

寂寂古珠林，惟聞清梵音。  
出雲蘇病骨，流月警禪心。  
曉磴松風遠，秋窻竹雨深。  
蕭然聆妙理，永以滌煩襟。  
清梵

丈室鳴琴夜，聲聞豈礙禪。  
爾時天籟發，如是頴師傳。  
渺渺雲林思，泠泠山水絃。  
曲終人語寂，片月在松顛。  
彈琴

山僧何所供，幽茗日隨緣。  
隔竹童敲臼，燒松鶴避煙。  
綠肥春後莢，寒汲雨餘泉。  
却笑文園客，清

風似玉川山茗

汎澱山湖

言尋澱湖曲，放棹度城原。  
雲破見孤寺，樹疎浮遠村。  
秋風蘋蓼動，落日波濤翻。  
勝事看難足，漁家總不言。

陸廿七文學護其女弟至即無何告歸賦

此為贈

艱難涉長道，來往愧深情。  
得別翻為易，言歸恐未成。  
浮名疎骨肉，畏路失生平。  
近况君應悉，為

寶齋集 卷四  
郎倦長卿

睿甫應之仁甫偕遊摩訶菴兼贈琴僧無絃得村字

藉草此高臥稍離人境喧  
鳥能窺對奕雲似護  
開尊榴火迎人吐松濤入座翻  
斜陽指歸路步  
步惜山村

遊詹園

敢負題門傲聊尋看竹綠  
馬蹄侵岸柳人語和  
山蟬逕盡亭臺出天孤島嶼懸  
但今幽意愜不

醉亦陶然

諸子夜過

空軒散秋雨入夜晚涼新  
掃榻邀明月開尊傍  
故人盤餐具鄉俗譚笑出  
風塵共是天涯客相  
過莫厭頻

贈別滕山人

風高落木聞况乃悵離羣  
把臂經年約知心此  
路分寒辭薊門雪暮宿江東  
雲後夜停尊處沈  
吟應爲君

寶者集 卷四  
九日集梁氏園兼餞別滕山人卽席賦  
水淨連城堞園深繞薜蘿龍山高會後燕市酒  
人過斷柳懸秋色微風奏夕波淋漓吾不惜無  
柰別離何

至日書懷

薄祿淹歸計。殘年傍一陽。旅懷憎節序。官舍飽  
風霜。積思兼灰動。添愁比線長。猶憐老親意。未  
敢問滄浪。

暫結朝天珮。方知是漢官。閒憑開卷過。寒仗把  
杯寬。玉署功名薄。金閭道路難。蕭條對兒女。指  
點白雲看。

西山道中

馬首萬山色。蒼然石徑斜。大都連梵宇。時復見  
人家。遠水煖仍凍。疎林寒未花。行行翠微近。一  
榻傍煙霞。

經華嚴廢寺

胡騎驚烽火。祇洹付劫灰。已無飛錫住。誰復布  
金來。野草埋遺碣。寒煙施古臺。如諳生滅理。過

客未須哀

課童子藝菊

短短籬邊菊榮枯總化工春來新見葉雨後細  
分叢灌溉消閒日犁鋤課小童嬾夫何所事煎  
茗自從容

答寄子充七叔

故園婁水曲西北是天涯吾叔一爲別春風三  
見花酒腸貧不減詩興老能加極目吳橋路相  
思寄落霞

再遊釣臺

爲有幽期在頻過亦不妨故園三歲別愛此似  
滄浪石澗新逾冷田禾老漸香那須憎俗客身  
世久相忘

風塵出郭少吾意此悠哉馬識曾遊路人登古  
釣臺林空聊借榻日落重銜杯欲去仍難別芙  
蓉寂寞開

同公亮敬承茂仁郊游

共道尋春好兼之出郭幽林塘三月暮休沐幾



寶齋集 卷四 五  
人遊樹樹陰初合溪溪澹不流從來耽野趣卽  
此是滄洲

悠然會心處晴日裊東風行酒泉聲裏停驂花  
影中郊原多別墅臺殿卽禪宮在在堪畱賞斜  
陽興未窮

寄家書

信使孤帆下吾家婁水西那堪萬里隔僅有數  
行題牢落態何甚蒼茫語未齊欲窮遊子意春  
草共萋萋

和袁子壽傳臚日雙燕來巢詩

海外經時別梁間此並栖正逢春社至如賀曲  
江題覓壘清音續穿花紫翼齊泥金倘須寄萬  
里報深閨

夏日閒居卽事

百嬾生一靜兀然空小齋紅芳垂徑草綠雨散  
庭槐掩卷銷公事銜杯卽壯懷倘逢詹尹卜未  
擬問生涯

出郭

寶善集 卷四  
結轡此何適悠然問滄浪林深赤日薄樹老清  
風香小逕夾禾黍前山混青蒼回首是城郭漫  
漫如隔鄉

再遊陳固安山莊

有亭還借水是逕卽浮梁五月遊人少重來野  
趣長芙蓉嬌倚棹楊柳暗侵裳一曲波間起那  
能不盡觴

表兄柴欽甫至夜話

蒼茫數年別把袂薊門塵久客逢今夜他鄉見

至親話深重秉燭情到各沾巾莫作窮途恨榆  
關是主人

送李汝培侍御

寧親下淮海持節復秦關驄馬行邊去蕃人夾  
道攀春風茶稅早秋燧馬蹄閒莫謂書生弱飛  
符動八蠻

繡衣中執法白面秘書郎轡攬祁連月帷褰狄  
道霜秋深驅驛騎天濶限河梁儻憶雲霄侶停  
鞭寄八行

寶齋集 卷四  
送柴氏表兄出塞謁張中丞

杖劍今何適邊城落照昏風塵餘短刺今古一  
平原重以茲遊壯兼之舊日恩那堪故園路芳  
草望王孫

忽憶陳廣文相距步武久不覿面悵然寄

懷

萬慮兼秋動停雲想更深故人今咫尺經月廢  
招尋始悟簪纓累彌慙嵇呂心涼蟾連夜好寂  
寞負清陰

夕眺

宿雨收虹角西風颯鳳城雲消三殿出日落萬  
山橫臨眺非吾土凄其損宦情江南何處所夢  
裏獨分明

送欽甫表兄南還

乍返雲州騎仍飛故里驂秋風一蕭瑟別酒不  
成酣萬里家何在孤鴻影共南從來多旅思相  
送轉難堪

卷簾

寶菴集 卷四  
積雪長閉戶新晴一卷簾竹稍寒漸老梅蕊暗  
能添嬾益時情左愁仍歲序淹故園增悵望更  
隱信難兼

歲暮

蒼茫歲云暮何物慰愁顏多病况疎酒畏人常  
閉關背簷交凍雪倚杖接青山獨羨前林鳥能  
隨落照還

送朱可大

畏路勿復道臨岐惟黯然到家春色暮謫宦古

今憐蹇折灞橋柳相思廬嶽天長安近於目前  
席定何年

沈少卿邀遊韋莊

芳榭無人到依微小寺東我來乘野興何處不  
春風濃淡樹分綠參差花賸紅還爲後期約試  
覘牡丹叢

春思

花落何人問春歸不自由酒貲安薄祿詩思入  
羈愁芳樹畱青眼新禽喚白頭徒然稱大隱吾

計豈沈浮

喜雨

漠漠暗雲合蕭蕭密雨過向來勞肝食今此聽  
農歌卷幔浮涼細看花綠潤多自憐新水闊無  
處問漁蓑

病思

清時豈不戀行路古云難傲骨甘多病鄉心薄  
一官身將玄鴈佳家借白雲看稍待秋風起歸  
歟理釣竿

卽事

浮名縱沈陸久客自驚心兒女殊方長風塵拙  
宦深山空紫芝曲秋老白雲岑慚愧嵇中散蕭  
條向竹林

贈金玄朗

十年吳市隱幾日到燕臺養母傭書遠逢人彈  
劍哀山田近無歲朝士或憐才久厭風塵色因  
君首重廻

初入舟卽事

寶齋集 卷四  
秋風灞陵道征旆雨中翻久宦疎行路扁舟如  
故園水雲前浦漫簫鼓大河喧去去班衣日天  
南戴 主恩

南旺道中

久厭沂流苦今朝心眼明波分南旺聞雲出濟  
州城岸樹將帆直江蒲引棹輕網鮮還可市一  
酌慰歸程

白鳥

進舟風日好白鳥故翩翩淺掠時翻水交飛屢

墮舷天空任所適玉立自相鮮期爾秋江上蘆  
花穩共眠

鴈

颯颯滄洲晚羣飛鴈不驚伴雲疎墮影入暝暗  
聞聲物有催歸思人今共去程江南知自好何  
意戀邊城

雨中過寶應湖

搖搖湖上槩漠漠鏡中天白散孤村雨青圍衆  
壑煙鴈聲寒故急帆影濕難前忽聽棹歌發采

寶華集 卷四  
菱何處船

月夜自高郵度邵伯湖

湖光渺無際擊汰月明中遠樹微於髮長天湛  
若空地分淮浦闊濤接廣陵雄不涉連波險安  
知捷石功

捷音捷楫也

漾音香浩漾  
大水貌

愛此青天月能隨獨客舟金波窮浩漾玉塔鬪  
沈浮杯酒自清夜江湖仍素秋母爲嗟水宿吾  
道本滄洲

九日過維揚

九日逢嘉節孤舟泛水涯空持彭澤興不醉廣  
陵花楚甸仍連海隋宮但落霞登高如可望雲  
白是吾家

冬日憇王氏山亭

步武柴門外悠然帶草堂水寒猶濺綠林澹一  
飄黃石逕行雙鶴陰崖宿短簷主人賢可問時  
許過東墻

寶華寺

乘興尋初地千山面面幽竹深猶有徑花滿正

寶齋集 卷四 十三  
當樓水上白雲老林間清磬流未能從惠遠空  
復問滄洲

過沈氏山亭

閒居正多暇徒步訪巖亭日落半山紫春深芳  
沼青花香分徑入鳥語隔雲聽稍借繩牀臥疎  
林酒易醒

夏日閒居

僻居人境遠高臥歲時淹桐雨清移幄梅風潤  
卷簾林光看更好鳥語靜翻嫌怪得逢迎少潛

夫本愛潛

一丘元自許三徑與時違幽響借隣鶴清風來  
竹扉嬾從詩學廢閒識道心微不是抽簪易中  
年愛息機

西林杳不極引領望難分落日照芳草清心栖  
白雲無嘲安用解旣隱又焉文徙倚復何道終  
然離世氛

晏起

不覺東林曙悠然夢亦稀日過高樹緩風度語



禽微古梵清禪榻流雲護竹扉却憐趨曉陛顛  
倒問朝衣

卽事

苔沒寺門古雨深人跡稀果隨山鳥落雲帶浦  
鷗歸曉漲喧魚市新晴進葛衣不須尋泌水此  
地亦忘機

垂蘿青不盡杳藹夕陽西戶接雲霞變樓涵日  
月低寺貧僧出少花暝客來迷何計成長往蒼  
山老灌畦

一境白雲封山窻聞暮鐘炊煙出深竹殘日挂  
高松淨業依馴鴿雄心薄臥龍空林百無事吾  
亦笑吾慵

小閣上干霄幽人野望遙澹雲清曉樹疎雨綠  
春苗天闊前朝寺風多隔浦橋心期竟何託鐘  
磬日蕭蕭

舟行卽事

靜愛澄波遠孤篷入夜行涼風吹雨散落日倒  
江明岸黍青難盡雲山澹若迎遙看原上叟倚

寶菴集 卷四 十四  
杖賀新晴

雨中過浮佛寺

衝泥入古寺雙屐傷林清松際漏天影竹間流  
磬聲鳥馴當食下僧狎短衣迎機事今忘盡江  
雲片片平

天平山

乍入天平路山深日易曛筍輿秋色裏蒼翠轉  
紛紜石立齊看笏泉飛半墮雲古賢祠墓在千  
載挹清芬

靈巖山

復道空中峻躋攀盡落暉黃雲過嶺合白浪接  
天飛傾國已塵土遺蹤知是非惟餘弔古客吟  
眺不能歸

家弟園亭集山甫諸君得肥字

吾弟能爲圃何人解叩扉當尊白鳥下移坐綠  
陰肥月似私高會星還動少微經年始一醉寧  
惜露沾衣

野色延松徑清言傍竹扉春波同酒湛梅雨浴

寶齋集 卷四 五  
疏肥客好如玄晏山晴近翠微奇懷各未盡臨  
別重牽衣

因山甫問沈少卿

不下山翁榻安知水部賢新詩能進否高飲定  
陶然吾道浮雲外相思落落照前吳江一衣帶行  
泊子猷船

送十一舅之山東省視家君

燈火夜船明依微送遠征翻因太行戀稍緩渭  
陽情魯甸秋應老淮流勢已平關門如紫氣或  
有候人迎  
憲府秋霜淨嚴親旅思孤此時非骨肉何以慰  
桑榆峻嶺遙分嶽飛泉競出湖殊聞饒勝賞行  
矣莫躊躇

天津大風舟中雜感

屢識川原改能無客思加秋深猶道路日薄轉  
風沙木落連江急灘危拒浪譁平生四方意及  
此一長嗟

露下金莖迴風前畫鷁孤未能逃薄宦誰得免

寶菴集 卷四 一六  
長途海近濤初壯江寒日易晡遙憐望鄉處雲  
物共模糊

迢迢秣陵道衰鬢復經秋起自緣 明主歸寧  
失故侯我行深岵屺家在有菟裘比夜庭闈夢  
憑將泝衛流

晚春同公亮敬承汝培郊游因過張惠安

園亭看海棠

易識郊原路雲深漢苑西遙青衆嶺出新綠萬  
行齊度水幽尋寺看花遠就蹊何因暢心賞賴

有玉壺携

繫馬當門柳簷花與客期不妨桃李盡恰及海  
棠時暖艷侵衣潤微香過蝶知忍能輕別去猶  
折一枝隨

忽漫尋花至將無看竹同主休稱上客吾自覓  
東風暗水恒滋碧疎畦未落紅殷勤謝春色畱  
貯曲闌中

映戶紅雲濕移尊繡障開從知爲春事未敢勸  
登臺遠樹初浮蓋飛花競入杯茲遊暫揮手重

問牡丹來

郭外偵花信市中逢酒人行隨綠陰遠坐得紅  
芳新此地足淹日他鄉俄送春臨觴莫惜醉歸  
路卽風塵

進騎破晨煙迴鑣夜火前世情堪自免春興各  
相先草樹深成塢雲霞暝墮川乾坤有雙屐那  
可負流年

夜過莫廷韓適張質卿費國聘携酒成集  
分韻得魚字

誰能載酒至君自草玄居泉茗夜逾碧庭花寒  
漸疎宦情銷歛段鄉思入鱸魚獨有千秋氣相  
看偶未除

題費國聘市隱園

聞道林居勝青山五畝園竹深藏蔣徑花發露  
秦源不淺江湖意寧知閭井喧自茲稱大隱無  
復羨金門

偃蹇逢清世蕭疎遣壯心江山南紀大園圃故  
鄉深高臥名愚谷忘機實漢陰因君話幽事吾

寶菴集 卷四  
亦慕抽簪

誰云在城郭臨眺亦悠然月共荆門樹池分夢  
澤天世情金馬外心事白鷗前何日相思駕凌  
風度郢川

寶菴集卷之四

寶菴集卷之五

吳郡顧紹芳實甫著

五言律詩

喜陸彥先至

常憶秋風裏離尊共黯然所期寧此地相見忽  
經年白眼時人過青山旅夢牽懸知有新語羞  
屬蒯緱篇

何時辭茂苑幾日度蘆溝客路諳垂老詩名起  
壯遊未須論市駿那必愧盟鷗况有杯中物偏

寶齋集 卷五  
能洗爾愁

陳長倩鄭文父沈少卿夜過

異國逢秋老佳期背月明猶餘尊酒興得與故人傾落木鳴階細流雲過眼清翻憐擊筑者燕市不藏名

浪跡依朝市幽懷傍友生已甘身是客寧避酒爲名天闊江鴻遠霜嚴夜柝清秋風一張翰千古共言情

遊雙寺分得名字

欲辯招提路蕭然傍禁城樹疎銜殿影風定落鐘聲醉卽深禪悅秋能澹物情祇令心地淨不必怨浮名

宿淨土菴

春山無盡路落日尚行吟下馬逢蘭若栖禽帶夕陰遠峰青靄積古樹白雲深一借支公榻聞鐘澹客心

清涼寺

日出孤峰杳諸天在眼前鐘傳萬嶺曙花散百

重煙野曠行人外雲低落鴈邊清涼誠此地吾  
意欲栖禪

馮開之見訪

剡上難迴棹嵇生舊入林二毛驚久別一水慰  
相尋落月窺投轄高山對鼓琴因君誇得計生  
事有雲岑

山家

紆迴度山磴寥落見人家屋角參雲竹籬根綴  
野花茅茨長兒女歲月換桑麻不厭卑栖拙西

鄰有地隄

家在白雲偏深君不問年湖山聊得性耕鑿但  
隨緣剥果村村樹燒松戶戶煙無人會幽意風  
澗一泠然

孤山問林處士故宅

行尋處士宅寂寞斷橋東道在軒裳外名參俎  
豆中雲深迷放鶴天闊想冥鴻獨向空亭望晴  
湖卷白虹

庚寅元旦



寶齋集 卷五  
四十仍加四春風又卷簾眼看時態左心入道  
門恬隨俗稱家慶憂時問歲占已甘成小隱何  
取吏情兼

山亭閒居

豈有避人意經秋長閉關蕭然松下戶對此城  
中山得雨深林映隨雲倦鳥還漸諳丘壑理聊  
復養衰頑

小築類藏蝸逶迤傍翠厓樹深三徑狹花密四  
時佳列岫環虛閣流雲護半齋園丁報新景苔

色雨連階

人猶艱半菽吾幸足尊羹况以林廬僻居然杖  
屨清有園題獨樂無力愧躬耕變理羣公在民  
巖未可輕

自慙卑栖性爲園近復幽携兒能共出過雨未  
妨遊低樹時巡果清池靜狎鷗平生五嶽計於  
此半沈浮

岸幘此何事悠然臨高臺放懷山月出傾耳松  
風來臥石平依草穿巖喜破苔無人會幽意日

日長蒿萊

孤懷但有託三畝亦名園深竹自然靜幽禽時  
一喧馬鞍青作障婁水碧浮門吾計枋榆足何  
心問化鯤

以此巖巒秀兼之水木澄孤雲栖自可俗客到  
何曾栗里誇元亮藍田逼右丞慚無二公句空  
自健攀登

深衷寄巖壑頗笑愚公愚凡木刪仍補危峰又  
更扶花繁秋不斷松翠晚相紆莫作平泉誠當

生且自娛

游金山寺

把袂金山上雙眸送斷鴻樓臺餘地少煙水極  
天空壁立千秋氣瀾迴一柱功馮高意無限長  
嘯領雄風

何年浮梵宇此地足漁磯白水環無盡紅塵濕  
不飛雲畱僧洞冷鐘度客船微獨弔遊仙子天  
清鶴未歸

清河道中

客計浮難定離心悵有餘雲山去家遠風雨泊  
船初漲退濤猶勁沙低樹亦疎老親時借問前  
路復何如

輓周伯中 并序

伯中死十閱月余前旣銘其墓矣爰自  
斯人云亡知己寥絕俛仰嬰懷不勝黃  
壚阮笛之慨無所發之北行舟中亡聊  
追爲輓詩三篇援筆便成語無溢美情  
不過飾驟而讀之流涕被面語云長歌  
可以當哭知伯中者不可不一讀此詩  
當亦不忍再讀耳

七尺今何託泉臺手自治餘生終後事一死類  
前知隴樹孤難植溪流咽似悲祇應新隧道日  
有碧苔滋

夙昔名家子才情故不凡生常憎白髮死未脫  
青衫鄙屋今辭陋藜羹永避饒歸歎傷先骨賸  
有數松杉

二十餘年長情親晚更深祇今成死別那復論

寶齋集 卷五  
升沈墓有新留劔筵無再賞琴浮雲自飄忽天  
地亦何心

憶家園

淮水長東下孤帆迅北征空紆故山目惟有暮  
雲平巖樹遙憐色庭花暗識名何時賦歸去稚  
子候柴荆

聞道

聞道淮徐境頻年水不驚捍堤推吏績安土見  
人情野曠田廬出春深菜麥平 陵漕雙大計

天意鞏 皇明

書懷示王季中何無咎

共是他鄉客難爲令節心菖蒲何處酒綵縷隔  
年鍼炎日虞驕蹇長河厭滯淫因誰破愁寂傾  
益足知音

清源逢龔汝修之嶺南

五月疲長路逢君在異鄉幾年纔此會一別又  
相望萬里天南節孤雲薊北裝大庾饒驛使莫  
惜報春芳

贈開上人時方校刻藏經

吾聞遠公後之子嗣東林龍象能持法虛空不  
住心經翻大海藏菴結五峰陰惆悵人天隔松  
關未可尋

涿鹿署中遇雨

亦知 帝京近聊息雨中裝觸熱使車少浮陰  
公署涼開甌嘗遠酒檢句倒奚囊稍怪風塵色  
悠然似暫忘

葉給諫邀遊暨公莊同敬承用韞賦

豈意青雲侶能為白社招郊園深載酒川路曲  
聯鑣亂水分流碧垂楊踈地嬌因嗟市朝裏春  
思日無聊

踈音宛體屈也申脚也

江南二月景宛在禁城西水木澹相映山禽時  
一啼遠花留醉眼殘日送歸蹊不及衡門下春  
風足杖藜

詠用韞庭花

萬戶長安道君家花滿闌歲華天澹蕩春意日  
更端密綠藏鶯小新紅罨蝶殘惟應比鄰子開

寶善集 卷五  
落盡同看

郊游

不斷見游人遙堤樹樹新名園猶隔水幽徑不生塵  
易得花前醉從拋客裏身惟應此時意暫忘故山春

郝園看海棠

幽林一夜雨春滿海棠枝正此新晴好悠然步履  
宜日蒸紅易吐風橫艷難持垂老猶情至逢花是醉時

題柰樹

嘉樹團如幄清陰一畝垂可憐携酒至正爾及花時  
車馬春相逐風霜老自知豫章天萬里寂寞棟梁姿

韋公寺

却望珠林好斜通綠水灣客迷花下路僧啟松間  
關春色故畱閨宦情翻愛閒盤桓殊未已歸鳥下前山

夕眺再登抱靈亭

不盡看山意危亭送夕陽峰迴秋半色樹入雨  
餘涼月出連三界鐘鳴徧下方如尋遠公榻應  
記竹爲房

濟上逢敖嘉猷

濟上此何地翩然逢故歡十年一瞬過雙鬢各  
驚看我狎吳山隱誰憐世路難因聲謝諸子不  
獨勸加餐

阻風瓜洲

江上忽風浪孤舟空夜磯山如當客住天亦妬

人歸遠火明疎荻層波接短扉幸聞鄉語近鄰  
舫暗相依

集杜句寄懷京邑同好

獻納開東觀爲僚記腐儒形容勞宇宙樸直乞  
江湖書信中原闊津亭北望孤他時一笑後夢  
盡失歡娛

良會不復久踟躕此驛亭聖朝無棄物漁父忌  
偏醒紗帽隨鷗鳥孤槎自客星平生飛動意相  
見眼終青

易識浮生理青雲亦卷舒帝鄉愁緒外中散舊  
交疎晚泊登汀樹秋來把鴈書東南兩岸坼高  
枕乃吾廬

繫舟今夜遠萬感集清罇相閱征途上長懷禁  
掖垣故山多藥物隨事有田園濟世宜公等吾  
知養拙尊

五言排律

集周行之得懸字

策馬衝寒色相過亦偶然宦途驅日月客思滿  
幽燕下榻浮塵外開尊落照前新知爭慷慨稚  
子慣周旋善病疎浮白清言傷草玄雲生齋閣  
暝花入錦屏妍玉樹紛相映華燈裊並懸物情  
先令節吾意惜殘年伏臘從他易襟期且自偏  
春來更有約揮手萬山煙

碧雲寺

逕逐籃輿盡天圍寶刹開石梁浮蟠竦松壑隱  
風雷萬劫黃金相千盤白玉臺泉聲緣砌響樹  
影抱峰迴魚競清齋出花依煖洞栽丹梯含薜



寶齋集 卷五  
荔朱戶繡莓苔嶺勢環如障湖光浸若杯鐘鳴  
山更杳路轉月仍來欲問無生偈支公安在哉

立春侍班恭紀

昊帝司陽令彤廷肅漢儀甫從元會後况復肆  
朝時路寢遙傳蹕鑾輿半護旗曙光隨鑰啟宵  
漏引鐘遲日月懸丹扆雲霄敞絳帷省郎趨玉  
佩中使繞金龜動地僊音奏彌空法駕移香煙  
籠柱檻燭影度罌魚蒼壁凝旒見青旛匝殿披  
土牛京兆進花勝內家持振鷺千班合呼嵩百

辟隨東郊迎淑氣秘館貼春詞歲序兼風俗韶  
華先禁墀暖歸占苑樹寒薄驗水澌子夜流芳  
洽農祥與候宜禮均三始重恩以八荒綏寶曆  
綿應萬黃圖享正夷垂裳天表近珥筆侍臣窺  
清切當螭陛榮光接鳳池平生慚駑劣遭際溢  
鴻私莫問行盤菜還傾向日葵

送孫以德翰長

臨岐一把袂客思滿幽燕落木仍今夜開尊是  
別筵金鑿初下直畫鷁儼成僊故里日相望離

實齋集 卷五  
居秋可憐白雲浮海漱芳草入吳天迢遞王孫  
路栖遲傲吏緣舞衣看是綵辭戟守猶玄氣與  
鷓鴣杳情將薜荔懸平津疎雨外古驛晚楓前  
旅夢消征旆鄉心逐大川醉歌驪已駕明發鴈  
俱還徑入延陵郭寒催蠶瀆船飛蓬驚此地接  
羽定何年皎皎屋梁月寥寥山水絃風流京國  
盡星散宦途偏余亦尚生侶將歸平子田本家  
婁水曲薄業太湖邊瑤草如堪拾相携凌紫煙

入直應制

帝運千齡泰天工庶績熙紫庭多暇豫清蹕少  
游嬉翰墨紆宸賞簪裾荷睿慈人當步瀛日殿  
敞集賢時橐筆新恩許賡歌後命隨乾臨奎壁  
府春繞鳳皇池漏永圖書靜花深劒珮移雲霄  
紛接武雨露迴含滋小伎慙蟲篆神謨類管窺  
唯餘丹悃在傾向一如葵

陪祀長陵

一望橋山路乾坤儼翠屏岩堯盤北極肅穆敞  
明廷萬嶺環爲帶層巖覆若扃殿浮無限紫松

鬱自然青混合驅元氣騰騫卜地形鹿馴窺窈  
窕龍臥隔沈冥睿筭高遷鼎玄宮俯建瓴當時  
夷內難不日靖滄溟業本雲仍固勞曾櫛沐經  
至今趨鐵馬猶自震雷霆朔漠遙維險南山豈  
辨銘瓊樓標玉穴繡戶鎖金釘古隧新除草穹  
階舊見奠墮弓虛碧落埋劔颯精靈虹白低垂  
牖泉哀細入汀路人瞻表石中使掃空亭雨露  
深 皇慕簪裾拜大庭重宵開壯觀下國仰儀  
刑仗繞蒼梧月燈懸夜壑星天應畱寶地神或  
駐鸞輶四序祠官在千秋 帝臯寧小臣歌盛  
烈風栢共泠泠

舟中書懷寄同館諸君子四十韻

世網畱孤客羈愁費五年縱饒婁水夢仍隔潞  
河船多病 君恩借長林野性便此生元戀闕  
一賦却歸田度郭迎秋爽行舟攬靜綠汀鷗斜  
照裏村塢晚霞邊挂席輕浮鷁臨曾細得鮮吳  
波將棹遠漢月倚篷圓蹇予非無適同人黯共  
憐古祠縈去馬芳草面離筵把酒疎難醉分裾

暗復牽弟兄俱海內肝膽定誰專憶昔瀛洲選  
光騰列宿躔鵷鸞初奉直騏驥必爭先業附青  
雲起名驅白雪傳九重霑寵渥七尺仰陶甄筆  
底雷春動藜端火夜然曉承中使詔月受大官  
錢玉署閒緇帙金門緩著鞭豎儒慙續尾高步  
幸隨肩斟酌尊頻倒探尋屐屢穿語深宮漏後  
興發苑花前物態消沈陸交情寄握荃雅知容  
任誕詎敢鬪嬋娟始嵇呂襟期合應徐姓字連那  
堪垂柳別更及早鴻天藥餌扶吾往經綸帶爾  
偏氣酣歸落莫才小託迤邐跡豈乘桴者心孤  
下榻賢宦途工覆鹿吾道倦游燕丘壑無多地  
茆茨有數椽老親娛杖屨高臥出風煙喜奉趨  
庭綵言拋執戟玄漁樵真自狎松菊久相牽小  
隱難兼吏離居祇類禪轉蓬驚未定投漆亮能  
堅想像依瓊樹淋漓對錦箋溟鯤終浩蕩籬鷄  
足翩翹日落供回首潮來應扣舷茫茫儻相憶  
關路極三千

陳少尹園亭看菊有贈

車下聞流水城隅見小亭柏林分徑入桐戶倚  
雲肩鑿沼通滄海排峰寫洞庭有懷成壘塊茲  
地豁沈冥潦倒遲三益淋漓醉六經老能驅物  
役窮合解天刑得士真山斗稱余是歲星提携  
常折節爾汝遂忘形九月初繁菊重階正落莫  
懸燈交綺繡移席動芳馨爽氣標玄圃餘光掩  
素屏質應空粉黛秋亦鬪娉婷歲月誇猶健江  
湖厭獨醒柴桑虛寄傲甘谷謾延齡豈是今高  
會勞君眼倍青

柴桑陶潛居  
處

秋思

何日論長往臨風失故鄉東南自迢遞悵望益  
微薄祿依金馬流年閱草堂暮雲當戶白秋  
葉向人黃避客真成隱攤書稍近忙此生扶傲  
骨何物借名場醉卽形神合慵甘請謁妨世情  
紛履虎吾道本相羊善病猶懷昔幽栖寔倦郎  
乾坤付丘壑煙水歷星霜獨把江梅老親收晚  
稻香小舸縈近浦濁酒過隣墻農圃諳垂盡衣  
冠屏漸荒也期歸浩蕩誰識變行藏戀主從

寶者集 卷五  
交戟携家任裹糧玉京天未遠僊掌露仍涼晝  
直趨東觀春遊出建章祇能慚小草詎擬賦長  
揚乘鴈嗟徒集冥鴻意豈忘倘期投老處明月  
太湖傍

登六和塔

寶塔湧祇園丹梯曲自捫八窻行日月一柱竦  
乾坤嶺嶼遙襟帶波濤暗吐吞微茫三界接縹  
緲半空騫蟻垤分城市龍宮極海門鳥窺丹葉  
下鐘散白雲屯建刹名仍古因山勢易尊扶筇  
低碧落岸幘小中原翠掣莓苔鎖青披薜荔軒  
雙林瞻領袖三竺拱兒孫地似瀕江斷天難落  
日昏錢塘舊形勝一覽見雄藩

新篁斐亶相對映發悠然會心爲賦新竹

篇

坐見江園筍檀欒萬竹深泥蟠終磊落雨洗忽  
蕭森紫蛻蒼虬甲青抽碧玉簪連雲纔一畝掃  
月已千尋矯矯伸孤節亭亭抱素心乾坤清自  
許霜霰老從侵古徑高銜日隣窻遠借陰寥寥

子猷後千古寄知音

南宮道中紀旱兼識所感

時事艱何甚人情莽自迷似聞寒見雪無復雨  
沾泥隴白全枯麥沙黃迴覆畦氛祲連趙魏塵  
土暗青齊大氏憂縣磬誰能厭咀藜氣蒸雲似  
火農苦貌仍顰歎息盈閭里蕭條及犬雞拊心  
悲稼穡延頸渴雲霓遠綠愁看樹微青喜見稊  
流亡兼耄稚鱗鬣困鮓鯪有市多<sup>音湖</sup>智井無泉不  
斷溪雲崇雖並舉霖霖竟猶暎 聖主求暑瘼

鯪音題魚名  
即鮓也

碧古巖字

仁風解犴狴至今虞赤地何以謝黔黎國勢方  
椎髓宸謨豈噬臍桑林天遠近雲漢語酸嘶大  
計歸廊廟餘生付粥壺如何此行役形影共栖  
栖

遊靈巖寺

遠岫難逢寺靈巖况有名盤空一磴出揮手萬  
山迎棟宇梁朝接風煙魯甸橫樹隨巒壁轉天  
入棧雲平積蘚埋碑篆懸厓落磬聲競窺金閣  
麗誰悟鐵衣輕列嶂雄千雉飛泉湛一泓古林

寶菴集 卷五  
深駐馬春壑半藏鷲竹翠含虛館霞標擁化城  
向來塵不到從此境長清杖屨淹畱日乾坤汗  
漫情坐餘登岱嶽興惆悵把行旌

寶菴集卷之五



